



**KOMMUNALBESTYRELSIP
ILEQQUUSUMIK ATAATSIMIINNERA
ATAASINNGORNEQ ULLOQ 31. MAJ 2021 NAL. 13:00**

Peqataasut:

Palle Jerimiassen (AT), borgmester
Jens Ole Nathanielsen (IA), borgmesterip tullia siulleq
Sakio Fleischer (S), borgmesterip tulliaata aappaa
Aqqalu Clasen Jerimiassen (A)
Knud Kleemann (A)
Minik Høegh-Dam (AT)
Lena Ravn Davidsen (D)
Bendt B. Kristiansen (IA)
Niels Davidsen (IA)
Anthon Frederiksen (N)
Edvard (Aqqaluk) Heilmann (N)
Ane Qujaukitsoq (S)
Elisabeth Nielsen (S)
Jakob Petersen (S)
Jens Kristian Therkelsen (S)
Jørgen Kruse (S)
Magrethe Christensen (S)

Pisortaaneq: Nick Nielsen
Imaqarniliortoq: Pisortaaneq
Immikkut peqataasut: Pisortaqatigiit
Nutserisut:
Ingerlannera: Telefonikkut

KOM	PINEQARTUT	BILAG
ORI	Ilisimatitsissut	~
21-023	Ilaasortap sulinngiffeqarnerminiit uteqqinnissamik qinnuteqaataa	001
21-024	Avannaata Kommuniiani aqutsinermut ileqqoreqqusap aappasaanik suliarineqarnera	002
21-025	Ataatsimiititaliani ilaasortat inississornerat	003
21-026	Politikkikkut ataatsimiiffissat 2021	004
21-027	Kommunep suliaqarfii Karrat Kangerluani qaqqaq sisooriataassappat	005
21-028		006
21-029		007
21-030		008

Aalajangiineq:

Oqaluuserisassat akuerineqarput.

Iisimatitsissut:**Københavnimut angalanissaq**

Vectrus suliffeqarfiuvoq Pituffimmi sullissinissamik isumaqatingiisummik ingerlataqartoq. Suliffeqarfiup Avannaa Development Københavni pingasunngornermi 16. juni naapikkumavaa, uanilu borgmesteri, pisortaaneq Avannaa Developmentimilu inatsisitingut siunnersorti ataatsimeeqatiserineqarput, angalanissarlu pilersaarusiorneqarpoq.

Ataatsimiinnissami Pituffimmi isumaqatingiissutinut neqerooqqinnissaminnut nunatsinni suliniutinik ingerlataqarusupput assersuutingalungu praktikerfissat, sumiiffinni soorlu Qaanaaq, Upernavik, Ummannami teknikikkut atortutingut aningaasalersuinerit ingerlakkumavaat, tamakku qulequttat eqqartorneqassapput. Kommunalbestyrelsi angalareernerup kingorna ilisimatinneqarumaarpoq.

Bilag ORI-01 Avannaa Developmentimi inatsisitingut siunnersortip allangaa

Aalajangiineq:

Iisimatitsissut tusaatissatut tinguneqarpoq.

Angalanissaq unitsinneqarpoq, nunanut allanut naalakkersuisoqarfik qanimut suleqatingingalungu qulequttaq pillungu alloriartoqaassoq.

Aningaasanut killiffimmik nassuiaasoqarpoq.

Sag nr.	Sammissaq	Bilag nr.	001
KOM 21-023	Ilaasortap sulinnigiffeqarnerminiit uteqqinnissamik qinnuteqaataa	Journal nr.	

Uteqqiineq:

Kommunalbestyrelsimi ilaasortaq Jens Napâtok' (N) sulinnigiffeqarnerminiit uteqqinnissaminik qinnuteqarpoq. Uani suliami kommunalbestyrelsip ilaasortap qinnuteqaataa oqaluuserissavaa.

Suliap saqqummiunnera:

Kommunalbestyrelsimi ilaasortaq Jens Napâtok' (N) sulinnigiffeqarnerminiit uteqqinnissaminik qinnuteqarpoq. Sulinnigiffeqarnerminut toqqammavilersuutingaa ilaquariittut inissisimanertik, massakkullu qinnuteqarnermini sulileqqinnissaminut piareersimalluni nalunaaruteqarpoq.

Iluarsiinissamut siunnersuut – sammisanut tunngatillugu nalilersuineq

Kommunalbestyrelsimi ilaasortaq sulinnigiffeqarsimalluni piffissaq nammineq aaliangerlungu piareeruni uteqqissinnaajuaannarpoq qinnuteqaatini nassiukkuniuk taannalu oqaluuserineqarpat.

Ingerlariaqqinnissaq

Ilaasortap sulinnigiffeqarunnaarniarluni qinnuteqaataa qaqqinneqareerpat kommunalbestyrelsimi ilaasortaq nalinginnaasumik sulini ingerlateqqissinnaalissuaa.

Aningaasaqarnermi kingunerisinnaasat:

Soqanngilaq.

Inatsisitigut tunngavigisat aamma toqqammavissiisutut allagaatit:

- Kommunit aqunneqarnerat pillugu Inatsisartut inatsisaat nr. 29, 17. november 2017-imeersaq

Suliamik isumaginninneq:

Aningaasaqarnermut ataatsimiititaliaq

Inassuteqaat:

Allattoqarfiup kommunalbestyrelsimut inassutingaa

Kommunalbestyrelsimi ilaasortaq Jens Napâtok' (N) sulinnigiffeqarnerminiit uteqqinniarluni qinnuteqaataa tusaatissatut tinguneqassasoq

Ilanngussat:

Bilag 001-01: Ilaasortap Jens Napâtok' (N) uteqqinniarluni qinnuteqaataa

Aalajangiineq:

Inassuteqaat akuerineqarpoq.

Sag nr.	Sammissaq	Bilag nr.	002
KOM 21-024	Avannaata Kommuniani aqutsinermut ileqqoreqqusap aappasaanik suliarineqarnera	Journal nr.	

Uteqqiineq:

Qinersereernerup kingorna kommunalbestyrelsi inississorluni ataatsimiinnerminut atatillungu aqutsinermi ileqqoreqqusap akuerivaa, ileqqoreqqusap marloriarluni kommunalbestyrelsimit inaarutaasumik akuerineqannginnermini suliarineqartussaavoq, siulleqqaammum Uummannami sammineqarpoq kommunalbestyrelse inississorluni tallimanngorneq ulloq 14. maj ataatsimiimmat.

Ileqqoreqqusami ersarissarneqartarput ataatsimiititaliat agguataarnerat tassuunakkullu suliaqarfii. Uani qulequttami aqutsinermi ileqqoreqqusassatut siunnersuut aappasaaneerlugu suliarineqarnera kommunalbestyrelsip isummerfingisussaavaa akueriniarnerlungu.

Suliap saqqummiunera:

Kommunalbestyrelsi inississornerminut atatillungu aqutsinermut ileqqoreqqusap nutaaq siullermeerlungu akuerivaa, aappasaaneernera uani suliame ingerlanneqassooq.

Ileqqoreqqusami ataatsimiititaliani ataavartuni akisussaaffiusut suliaqarfiusullu ersarissarneqarput.

Kommunalbestyrelsi inississorluni ataatsimiikkami partiit borgmesteriutitaqartut isumaqatingiissutaannut tulluussarneqarnissaa aaqinneqarnissaa kissaatingineqarpoq.

Iluarsiinissamat siunnersuut – sammisanut tunngatillugu nalilersuineq

Kommunalbestyrelsip akisussaaffini ataatsimiititaliat ataavartunut agguartarpari, taakkualu suliaqarfii assingiingittut ulluinnarni ingerlatsinermi sinaakkutitut toqqammavingineqartarput. Suliame amerlanerpaat ataatsimiititaliani naammassineqarsinnaasarpur, kisianni ilaqartarput Aningaasaqarnermut Ataatsimiititaliamut kommunalbestyrelsimullu inaarutaasumik suliarineqarlutik ingerlaqqittussanik.

Ileqqoreqqusap partiit borgmesteriutitaqartut isumaqatingiissutaat naapertorlungu tulluussarneqarpoq, tassanilu ataatsimiititaliat agguataarnerat aaliangereqartarpoq, imatullu ataatsimiititaliat ataavartut inassutingineqarpoq aggorneqassat:

- Teknikkimut Ataatsimiititaliaq, TEKAT
- Ilaqutareeqarnermut Ataatsimiititaliaq, ILAAT
- Piorsarsimassutimut, Atuartitaanermut Sunngiffimmullu Ataatsimiititaliaq, PASAT
- Inuussutissarsiornermut Ataatsimiititaliaq, INUAT
- Aalisarnermut Piniarnermullu Ataatsimiititaliaq, APIAT
- Tamat Oqartussaqaqaanerannut Nunaqarfimullu Ineriartortitsinermut Ataatsimiititaliaq, TONIA

Ingerlariaqqinnissaq

Qulaani taakkartorneqartutuut ileqqoreqqusap aappasaanik kommunalbestyrelsimit inaarutaasumik akuerineqannginnermini tulluussarneqarpoq, uanilu ullut 14-it akunnermiliunneqarnikuupput.

Ileqqoreqqusap inaarutaasumik akuerineqareerpat ataatsimiititaliani inississornerit ingerlanneqarsinnaalissapput.

Ataatsimiititaliallu inississorneri pereerpata ataatsimiititaliat ataatsimiinnerani siullermi siulittaasussaminnik siulittaasullu tullianik toqqaassoqassooq, ataatsimiinnermi tassani aamma ataatsimiititaliat suleriesissaat akuersissutingineqassooq.

Aningaasaqarnermi kingunerisinnaasat:

Soqanngilaq.

Inatsisitigut tunngavigisat aamma toqqammavissiisutut allagaatit:

- Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq

Suliamik isumaginnineq:

Kommunalbestyrelsi

Inassuteqaat:

Allattoqarfiup kommunalbestyrelsimut inassutingaa

Aqutsinermut ileqqoreqqusassatut siunnersuutingineqartup aappassaaneerpeqarnera saqqummiunneqartoq inaarutaasumik akuerineqassasoq

Ilanngussat:

Bilag 002-01: Partiit borgmesteriutitaqartut suleqatingiissutissaat
Bilag 002-02: Aqutsinermut ileqqoreqqusassatut siunnersuut

Aalajangiineq:

**Inassuteqaat akuerineqarpoq.
Piorsarsimassutimut, Atuartitaanermut Sunngiffimmullu Ataatsimiititaliaq atia allanngorpoq ima,
Inerisaanermut Ataatsimiititaliaq, INEAT**

Sag nr.	Sammisag	Bilag nr.	003
KOM 21-025	Ataatsimiititaliani ilaasortat inississornerat	Journal nr.	

Uteqqiineq:

Kommunalbestyrelsip ataani ataatsimiititaliaqarpoq, taakkualu ulluinnarni aqutsinermi sinaakkusersuillutik, sulianik ingerlaavartunik kiisalu aningaasanik atuinermi nakkutilliisuupput. Aqutsinermi ileqqoreqqusaq kommunalbestyrelsimi akuerineqareeraangat ataatsimiititaliani ilaasortat inississorsinnaalertarput. Uani suliami kommunalbestyrelsip ataatsimiititaliani ilaasortassatut partiiniit inassutingineqartut akueriniarnerlungit isummerfingisussaavaa.

Suliap saqqummiunnera:

Aqutsinermi ileqqoreqqusaq aappasaanik akuerineqareeraangat ataatsimiititaliani inississornerit ingerlanneqarsinnaalertarput. Kommunalbestyrelsimi partiit assingiinnittut eqimattakkaarlutik ataatsimiititaliani inississorneq pitinnangu paaseqatingiissimasarput ataatsimiititaliani sorlerni akisussaaffiit inuttalerneqassasut.

Iluarsiinissamut siunnersuut – sammisanut tunngatillugu nalilersuineq

Aqutsinermi inatsit ataatsimiititaliani ilaasortat agguataarnerisa amerlassusaat aaliangersartarpaa. Partiit borgmesteriutitaqartut qulaaluaapput, illuatungiliuttut arfineq pingasut, taamaattumik partiit borgmesteriutitaqartut ataatsimiititaliani amerlanerussuteqartuaannassapput, ataatsimiititaliat agguarnissaat ima isikkoqarpoq:

- Aningaasaqarnermut Ataatsimiititaliaq arfineq marlunnik ilaasortalik. Partiit borgmesteriutitaqartut sisamanik ilaasortaqaassooq, illuatungiliuttut pingasut
- Ataatsimiititaliat ataavartut tallimanik ilaasortallit. Partiit borgmesteriutitaqartut pingasunik ilaasortaqaassapput, illuatungiliuttut marluk

Partiit akunnerminni ilaasortassatik isumaqatingiillutik inississornissaat namminneq isumangissuaat, inississornissamut partiit siunnersuutaat ilanngussami takuneqarsinnaavoq.

Ingerlariaqqinnissaq

Ataatsimiititaliat Ataavartut inississoreernerup kingorna ataatsimiissapput siulittaasumik tullersortissamillu toqqaanissaq kiisalu ataatsimiititaliap suleriesissaa akueriniarlungit.

Aningaasaqarnermi kingunerisinnaasat:

Toqqaannartumik kommune karsianut kinguneqassanngilaq.

Inatsisitigut tunngavigisat aamma toqqammavissiisutut allagaatit:

- Kommunit aquneqarnerat pillugu Inatsisartut inatsisaat nr. 29, 17. november 2017-imeersoq

Suliamik isumaginninneq:

Kommunalbestyrelsi

Inassuteqaat:

Allattoqarfiup kommunalbestyrelsimut inassutingaa

Aningaasaqarnermi Ataatsimiititaliami, Ataatsimiititalianilu ataavartuni inississornissamut siunnersuut ilanngussami takuneqarsinnaasoq, tassanilu ilaasortaasut inassutingineqartut akuerineqassasut

Ilangussat:

- Bilag 003-01: Aningaasaqarnermi Ataatsimiititaliami, Ataatsimiititalianilu ataavartuni
ilaasortassatut siunnersuutit
- Bilag 003-02: Aningaasaqarnermi Ataatsimiititaliap suloriusaa

Aalajangiineq:

Inassuteqaat akuerineqarpoq.

Inuussutissarsiornermi Ataatsimiititaliami allannguut, Anthon Frederiksenip (N) sinniisussarissuaa Niels Davidsen (IA).

Teknikkimi Ataatsimiititaliami allannguut, Bendt B. Kristiansen (IA) sinniisussarissuaa Jens Ole Nathanielsen (IA).

Aqqaluk Hielmann-imi allaqqasut Jens Napâtok' (N)-mut allanngortinneqassapput.

Aqqalu Jerimiassen email-ia aaqqinneqassooq. Nielsip atia aaqqinneqassooq.

Suliaq nr.	Pineqartoq	Ilanng. nr.	004
KOM 21-026	Politikkikkut ataatsimiiffissat 2021	Journal nr.	

Uteqqiineq:

Kommunalbestyrelsi ataatsimiinissai aqutsinermi inatsit naapertorlungu kommunalbestyrelsimi ataatsimiititalianilu ukiup naanerani ataatsimiinnerani akuersissutingineqartussaapput, kisianni ukiormanna tamanna pisinnaanikuunngilaq qinersisoqarnera pequtingalungu.

Uani suliami kommunalbestyrelsimi ataatsimiititalianilu isummerfingineqassooq ukiup sinneranut ataatsimiinnissat sumi qaqungulu ingerlanneqarnissaat.

Suliap saqqummiunnera:

Aqutsinermut inatsimmi allaqqavoq kommunalbestyrelsimi ataatsimiititalianilu aaliangiisoqassasoq qaqugu sumilu ileqquusumik ataatsimiinnerit ingerlanneqassanersut. Ullorsiutillu inissinneqareeraangata tamanut saqqummiunneqartarluni taamatullu Naalakkeruisut ilisimatitsinneqartarput.

Kommunalbestyrelsi inississorluni ataatsimiikkami ataatsimiititaliat ataatsimiittarnissaat ullorsiutinut pilersaarusionerqanngillat ataatsimiititaliat inississornikuunngimmata.

Iluarsiinissamat siunnersuut – sammisanut tunngatillugu nalilersuineq

Allattoqarfiup inassutingaa ilanngussami ullut taakkartorneqartut ukiup sinneranut ataatsimiiffiussasut. Ataatsimiinnerit tamarmik nalinginnaasumik nal. 9:00 aallartittassapput.

Budgetseminar, Ilulissat

Juunip naajartornerani kommunalbestyrelsimi ataatsimiinnissaq oqarasuaatikkut ingerlanneqassooq.

Ataatsimiinnissat avataatingut aappaangussamat missingersuusiorluni isumasioqatingiinnissaq sapaatip akunnera 33-imi, tassa augustip qeqqata nalaani Ilulissani ingerlanneqassasoq.

Qaanaami ataatsimiinnissaq

Taamatuttaaq 29. septemberimi ataatsimiinnissaq Qaanaami ingerlanneqassasoq kommunalbestyrelse inississorluni ataatsimiikkami aaliangerpoq. Coronamut pissutit angalaneq pitinnangu nalilersortuarneqarnissaat uani kommunalbestyrelsip piumasaraa.

Missingersuutit akuerineqarpata, Ilulissat

Missingersuutit inaarutaasumik akuerineqarlerpata 24. november ataatsimiinnissaq Ilulissani ingerlanneqassasoq allattoqarfimmiit inassutingineqarpoq.

Aningaasaqarnermi kingunerisinnaasat:

Missingersuutit iluanni ingerlatsisoqarnissaa allattoqarfimmit inassutingineqarpoq.

Inatsisitingut sinaakkutatingullu toqqammaviit

- Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq

Suliamik isumaginninneq:

Kommunalbestyrelsi

Inassuteqaat:

Allattoqarfiup kommunalbestyrelsimut inassutingaa

Ilanngussami ataatsimiiffissat sumiiffinnilu assingiinnittuni ataatsimiinnerit ingerlanneqarnissaat saqqummiunneqartut akuerineqassasut

Ilanngussat:

Bilag 004-01: Politikkikkut ullorsiutit 2021-mut

Aalajangiineq:

**Inassuteqaat akuerineqarpoq.
Illuatungiliuttuniit Qaanaami ataatsimiinnissaq siusinnerusukkat ingerlanneqarsinnaasoq inassutingineqarpoq.**

Sag nr.	Sammisag	Bilag nr.	005
KOM 21-027	Kommunep suliaqarfii Karrat Kangerluani qaqqaq sisooriataassappat	Journal nr.	

Uteqqiineq:

Qaqqaq Umiammakku Karrat Kangerluani ilimangineqarpoq sisoorsinnaasoq. Ajutoortoqassappat innuttaasunut kingunerisassat annertupput. Uani kommune pingaarutilinnik suliamut attuumatillungu aaqqitassaqqarpoq.

Uani suliami kommunalbestyrelse ilisimatinneqarpoq suliassat sorliit kommunip aaqqitassaringai ajutoortoqanninnarani.

Suliap saqqummiunnera:

Namminersorlutik Oqartussat taassumalu ataani Upalungaarsimanermut Ataatsimiititaliarsuaq naliliipput qaqqap, Umiammakku Karrat Kangerluanni nakkaaratarsinnaaneranut annertuumik ilimanaateqartoq. Naliliineq toqqammaveqarpoq sukumiisumik misissuisoqarsimaneranik, nalilersuineri Norge-minngaanniit ujarassiuut immikkut ilisimasallit Danmarkimillu GEUS-imiit suliarineqarsimapput. Oqartussaasuniit killiffik erloqinartutut nalilerneqarpoq tassaarsuup innuttaasunut kingunerisinnaasai Uummannap eqqaani annertummata, uani Qaarsuni Niaqarnanilu innuttaasunut kingunerisinnaasai immikkut taasariaqarput annertuujusut.

Iluarsiinissamut siunnersuut – sammisanut tunngatillugu nalilersuineq
Suliamut atatillungu kommune pingaarnertut marlunnik suliassaqqarpoq.

Sillimaniarneq

Kommunemi qatserutaasivik sillimaniarnermut pilersaarutiniq suliaqartussaavoq, innuttaasut qanoq iliornissaminnut ajutoortoqartillungu nalorninnginnissaat anguniarlungu. Sillimaniarnermi atortut aamma pittangorsarneqassapput tassungalu atatillungu pisariaqartitanik pilersitsisoqarluni. Uummannap eqqaani sillimaniarneq pillungu innuttaasunut suliffeqarfinnullu siunnersuisoqassooq sillimaniarnermullu pisusaartitsineri misileraasoqarluni.

Inssiingallarneq inissamullu ataavartumut innersuussineq

Innuttaasut toqqissisimanatik annilaangallutillu misingisut tassaarsuaqarnissaa peqqutingalungu periarfissaqqarput nuunnissaminnut. Uani pingaaruteqarpoq erseqqissaatingissallungu najungaqqartut tassaarsuarmik eqqorneqartussat pineqarmata, taakkua illui malissuarnit qarsunneqartussat. Uani kommune allaffissornikkut suliaqarluni ingerlatsissooq nuunnissamut saaffinginnissutit oqariartuutaasut peqqissaartumillu suliarineqarnissaat siunertaralungu. Kommune aningaasartuutit siulleqqaammut ingerlatissuai, kisianni naattorsuutingineqarpoq Namminersorlutik Oqartussanit aningaasartuutit utertinneqassasut.

Tingussaasumik suleriuseq imaassooq, nunaqarfimmiit saaffinginnittoqarpat ilaqutariit Uummannamut iningingallarsinnaasaannut innersuunneqassapput. Ilaqutariit Uummannami najungaqqarnerini illuminni pisataat sumiiffimmu nuuffingerusutaannut ingerlanneqassapput. Ilaqutariit ataavartumik nuussapput illumini pisataat sumiiffimmu kissaatingisaannut annguppata.

Ingerlariaqqinnissaq

Qatserutaasivimmi sillimaniarnermut pilersaarutit ataavartumik nutarterneqartassapput atortullu pittangorsarneqartarlutik. Nilliasaatinik nutaanik inniminniisoqarpoq junillu ingerlanerani ikkussuunneqassapput.

Kommune nuukkusuttunik allamut qulinik saaffingineqarpoq. Saaffinginnissutit Namminersorlutik Oqartussanut taassuma ataani inissiaatileqatingiffimmu INI AS-imut ingerlatinneqarput. Kommune akissummik suliamik ingerlatitseqqinniarluni utaqqivoq.

Aningaasaqarnermi kingunerisinnaasat:

Nilliasaatit kr. 100.000 missaani naleqarput.

Inissiingallarnissamut aningaasartuutit nalunaarsorneqanngillat taamaattumillu qanoq annertutinginissaat oqaatingiuminaalluni.

Inatsisitigut tunngavigisat aamma toqqammavissiisutut allagaatit:

- Kalaallit Nunaanni annaassiniarnissamut upalungaarsimaneq aamma ikuallattoornissamik qaartoornissamillu pitsaaliuinermi iliuusissat pillugit Inatsisartut inatsisaat nr. 14, 26. maj 2010-meersoq

Suliamik isumaginninneq:

Kommunalbestyrelse

Inassuteqaat:

Allattoqarfiup kommunalbestyrelsimut inassutingaa

Iisimatitsissut tusaatissatut tinguneqassasoq

Ilangussat:

Bilag 005-01: Uummannap sulluani qaqqani sisoortoqarsinnaanerata tassaarsuaqarsinnaanerullu aarlerinaateqarnerat pillugu GEUS-ip allakkiaa – suliatigut ilisimasat killiffiat marts 2021

Bilag 005-02: Karrat Kangerluanni ulorianartorsiorfiusinnaasunut upalungaarsimanermi naliliineq

Aalajangiineq:

Inassuteqaat akuerineqarpoq.

Selvstyre-miit kommunimi aaliangersimasunik attaveqaateqarnissaq kissaatingineqarpoq.

Ataatsimiinneq naavoq nal.: 16:23

Atsiorfissaq:

Aqqalu Clasen Jerimiassen (A) _____

Knud Kleemann (A) _____

Minik Høegh-Dam (AT) _____

Palle Jerimiassen (AT) _____

Lena Ravn Davidsen (D) _____

Bendt B. Kristiansen (IA) _____

Jens Ole Nathanielsen (IA) _____

Niels Davidsen (IA) _____

Anthon Frederiksen (N) _____

Jens Napâtok' (N) _____

Ane Qujaukitsoq (S) _____

Elisabeth Nielsen (S) _____

Jens Kristian Therkelsen (S) _____

Jakob Petersen (S) _____

Jørgen Kruse (S) _____

Magrethe Christensen (S) _____

Sakio Fleischer (S) _____